





MONUMENTUM
ALCAICUM
RHABBARO

PANCHRESTO SUO

POSIVIT

M. DAVID SALOMO REICHARDUS

SCHOLAE CIZENSIS CONRECTOR

M DCC LIX.

d. Aug.

CIZAE

TYPIS HUCHONIANIS.





Radix coronis non minor aureis
Rarisque gemmis par pretio!
tuas

Nunc Musa, jam pridem canendas
Vult cithara celebrare laudes.

Opraedicandum laudibus omnibus
Ac perbeatum, quo coleris, solum
Hic forte primorum parentum
Primus erat Paradisus ille.

Hic nescio annon confiterit sata
Vitalis arbor quam pepigit, Deus
Insignis hortorum magister
Et topiarius absolutus.

Tu comparandum es triste Rhabarbarum.
Vitam nouanti corporis et decus
Ligno, quod arbutum tenebat
In Paradisiacis viretis.

Laudant feraces elleboro suo
Clarasque, vates, Anticyras, chely:
Annon parem laudem mereris
Elleboro affimulanda radix?

Osi reuerti possset ab inferis
Thebis creatus Cecropiae lyræ
Puffator insignis, chorique
Pieridum columen decusque.

Aut uberantem natus ad Aufdum
Cantator urbis dulcis Horatius
Qua laude te radix uterque
Concelebrare poeta vellet!

Tu vim medendi corporibus tenes,
Obstructa laxas viscera fordibus,
Flavoque morbo decubantes
Tu Panacea leuas Chinenfis.

Lenit dolores horribiles tua
Diuina radix vis medicabilis
Quos fluxus affectum per anum
Excitat et repetit cruentus.

Curare sputi sanguiferi malum
Et fauciatos vulnere morbido,
Fellisque correptos furore
Tu relevare vales potenter.

Dici Nepenthes tu merito potes
Quod scriptor olim Dardanii mali
Fatique cantauit scienter
Magnificis numeris modisque.

Ductus repletos hepatis egeris
Laxasque limo qui remoras struit
Quærentibus venæ solutos
Sanguineis globulis meatus.

Si clausus alui carcere murmurat
Flatus rebellis te reperit duce
Ianoque posticum, sonoque
Intonat et crepitu tremendo,

Tormenta non sic bellica personant
Auras patentes ut patrium hic larem
Sedesque natales relinquit.
Olapathum! o memoranda radix!

Firmatur abs te ventriculus ruens
Et crudus atque hinc ejiciuntur et
Eliminantur stercorosa
Quæ stomachi minuunt orexin.

Quam sæpe tu mi ventriculum meum
Corroborasti bulpathum utile
Cum nauseans nollet molendo
Præteritas reparare vires.

Tu fluxionem sanguinis aureæ
Venæ per anum mirifice juvas
Lenisque sic magnos dolores
Quos male ea patitur laborans.

Non præteriri Castalidum chorus
Jam poscit a me, posse Diarrhoeam *
Sanare, naturam tuamque
Vim tibi coelitus attributam:

Quis fando cunctos enumeret tuos
Ufus in omni quos homini paris
Vita salutares? Deumque
Sic tacite celebres datorem.

Dignanda radix astrifero polo
Vitæque nutrix Pyramidum scholis
Ornanda; te gratus memorque
Hoc studui celebrare cantu.

* Græcorum more diphthongus correpta est.



78 M 496

ULB Halle 3
001 618 148



TA 506

617





MONUMENTUM
ALCAICUM
RHABARBARO

PANCHRESTO SUO

POSIVIT

M. DAVID SALOMO REICHARDUS


SCHOLAE CIZENSIS CONRECTOR

M DCC LIX.

d. Aug.

CIZAE

TYPIS HUCHONIANIS.



Farbkarte #13

B.I.G.

